

農安縣志

沿革

星球環轉世界滄桑溯自洪荒遠古以來已亘數千百年於茲矣於此數千百年中而欲詳其部族辨厥疆域及一切廢興分合之故一一如數存珍胡可易言農安舊隸戎家往事無徵其見諸載籍者肅慎立國僅資括矢挹婁號夫餘而來隋書不為夫餘立傳其入高麗無疑此扶餘城所以有高麗之號也大氏自以渤海稱雄乃去靺鞨故號此扶餘府所以加渤海之稱也雖簡端編書缺有闕而蛛絲馬跡墨尚留痕無難辨者獨至於黃龍府於此於彼見者不同幾成爲歷史上之爭點或以爲慕容氏故城是殆以黃龍國爲黃龍府也或以開原當之是又以開元路爲開元縣也不知龍州本屬上京開元東遼五國舊龍縣城上扶餘自此更名白馬渡江來濟州於馬錫號遼澤有河豈曰伊克開原有塔不名隆安故謂遼南曾號黃龍可也謂遼南全改濟州不可也謂開原本於開元可也謂開原卽金隆安不可也爰爰爲考厥兵事辨以隣境合以道里並證以江河及圖書則農安爲黃龍府已無疑義況農安之於隆安者韻皆有可通龍安又號龍濟俗猶尤爲近古元駐開元路總管於此後移開原其徽也明征元太尉將軍馮勝駐軍隆安其近據也志沿革

農安縣志

沿革

虞為息慎夏至周為肅慎亦曰獯慎

史記五帝紀至於荒服北山戎發見慎威戴舜之功

山海經大荒北經大荒之中有山名不咸有肅慎之國

吉林通志不咸即長白

史記周本紀成王既伐東夷息慎來貢

王使榮伯作賄息慎之命

集解孔安國曰賄賜也

按成周會獯獯慎康王之時肅慎侵至郭氏監行謂聲轉字通實一國也滿洲源流考其國南包長白北抵弱水東極大海廣袤數千里又貢馳道里記渤海王城臨忽汗海其西南三十里古肅慎城考其地為今寧古塔澤昭云去夫餘千里夫餘農安也與今至甯古塔道里相符玩包字之義當為肅慎西南境

漢及晉為扶餘

後漢書東夷傳夫餘國在元菟北千里南與高句驪東與挹婁西與鮮卑接北有弱水地方二里不淺地也

編者至此而騷馬考吉林通志農安沿革表肅慎之後繼以夫餘肅慎未曾失地夫餘胡為

至此比讀後漢書挹婁傳挹婁古肅慎之國也漢興以後臣屬夫餘蓋自肅慎改號其西境已屬夫餘故曰東與挹婁接又三國志東夷傳夫餘在長城之北本屬元菟漢末公孫度雄張海東夫餘王尉仇台更屬遼東時句驪鮮卑強夫餘介二虜之間故曰西與鮮卑接又後漢書東夷傳元朔元年武帝滅右南閼等畔右渠率二十八萬口詣遼東內屬帝以其郡為蒼海郡通鑑輯覽註今奉天府鳳凰城及朝鮮江源道皆其地故杜佑通典夫餘傳其印文言歲王之印國有故城曰歲城何時入夫餘則不可考書稱歲地者當即指此至昭帝始元五年徙屬樂浪則在高句驪南非夫餘境也元菟自在朝鮮前漢書東夷傳武帝元封三年定朝鮮為真番臨屯樂浪元菟四郡昭帝時罷臨屯真番以併樂浪元菟則元菟之鄰於樂浪可知又後漢書郡國志遼東郡雒陽東北三千六百里玄菟郡雒陽東北四千里則玄菟之非遼東郡更可知前漢書地理志高句驪元菟屬縣有南蘇水西北經塞外考南蘇水即今赫爾蘇河出奉天海龍廳經伊通北出塞是則今伊通州地為高句驪北境夫餘在元菟北千里南與高句驪接吉林通志謂農安為夫餘國地已無疑義

晉書四夷傳夫餘在元菟北千里南接鮮卑國有古歲城本歲地之地也

按晉書不為高句驪列傳其北境已入鮮卑觀晉書載記慕容恪攻克高句驪南蘇城可見